



## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

§.2. Desiderium animæ amantis, & in Crucifixi cor ingredi, & unà cum illo  
refici, ac delitiari affectantis.

[urn:nbn:de:hbz:466:1-47123](#)

*Cant: 2.* tes collusionis occasio; dum sese Christus ad dilectam animam, & illa è contra sese ad cor Christi invitat, rursusque ad sese alter alterum. Quo modo illa dilecta in Cantico, quæ sese anteà à Sponso invitata meminit, & introductam in cellam vinariam, postmodum eundem invitata ad se, primum ad hortenses delicias, fructus pomorum & favum melis, mox ad lautiora genialis thalami cupedia, vinum conditum, & mustum malorum granatorum.

*Cant: 5.* *Cant: 8.* *Apoc: 3.* Quem etiam sensum habere videntur illa Christi in Apocalypsi: *Cenabo cum illo, & ipse tecum;* hoc est, apud me; nimur vicissim à me postea invitatus.

*Prof: 9.* Et quamvis harum arcanarum blanditiarum ratio, non tam arte tradi, quām amore magistro disci soleat: Libet tamen affectuum hujusmodi paradigma aliquod eviditer, præformatum subjcere, & (quod ait Scriptura divina) dare occasionem sapienti.

## § 2

*Desiderium animæ amantis, & in Crucifixi cor ingredi, & una cum illo resicci ac deliciari affectantius.*

*Cant: 5.* **Q**uam in rem in primis animo fingere arque imaginari potes, puerum Jēsum (quemadmodum subinde in pictabellis exprimi solet) nudulum, suā onustum cruce, fertō spino coronatum, & stillantem sanguine, adstantem ad fores cordis tui, introgredi affectantem; ut dolores tuos tecum in corde communicet, in eōq; tanquam molli lectulo, quietis nonnihil & solatij aucupetur. Quo quidem habitu pulsantem illum, tanto antè visa est describere sponsa, cūm diceret: *Vox dilecti mei pulsantis: aperi mibi sororem meam, amica mea, immaculata mea: quia caput meum plenum est rorae, & cincinni mei guttis noctium.* Quo verò rore, nisi resicci sui sanguinis? aut quarum noctium guttis, nisi passionis & do-

& dolorum suorum? Noctem quippe hoc loco S. Paulinus interpretatur passionem.

Neque istic duntaxat, sed alibi quoque stantem ad ostium, & pulsantem agnosces dilectum; neque manu tantum, sed voce etiam contenta, quasi omnino ad te intrare, & tecum coenare atque refici velit, fores tuas (qua vis est amoris & inquieti desiderij) importunius obtundentem. Hic verò quid agas? nisi ei aperias denique; saltē ut tuā paupertate excusatā, ad illum potius admitti postules, & conversā vice id ab eo instanter contendas. Delectabit amantem ingenuæ mentis simplicitas; qui utique non aliâ de causa cor tuum sibi præberi expertis, nisi ut vicissim divinum cor suum tibi redonet, eōq; se se invitat ad te, ut te suis donis ac delicijs reficiat. Quare hunc in modum, si lubuerit illum amanter compellare potes.

Dudum est, scio, dilecte mi, cūm foris stas ad ostium cordis mei, & pulsando ingressum affectas; neq; pulsū tantum sollicitas fores meas, sed clamorem etiam intendis, ut exaudiam. *Si quis audierit (inquis) vocem meam, & aperuerit mibi januam, intrabo ad illum, & coenabo cum illo, & ipse mecum.* At, o duritia cordis mei! surdæ sunt fores istæ, benigne J e s u, & non est intus qui exaudiatur. Præcordia ista ære triplici obsepta sunt, ut non facile sit aperiri. Atq; ut intraveris, domi quidem meæ merum frigus est, jejuna omnia, & quod pro voto coenare possis, non invenies. Amabo, Domine, commutemus consilium: & quando tanta est mecum coenandi cupiditas, invita me potius ad te ipsum. Quippe pectus tibi amoris vulnere jam apertum est, & laxatis præcordiorum claustris, viam facilem ad cor tuū, & molles aditus ostentat. Ibi autem inveniemus coenaculum grande stratum, illam cordis tui spatiösam latitudinem, triclinium floridum ac suaveolens, mensam ornatam apparatū regio, & omnibus bonis paradisi redundantem, omni virtu-

Apoc: 3.

virtutum gratiarumq; copia, ad spirituales delicias, & sanctam animæ ebrietatem instructam. Ibi enim mel & lac paradisi; ibi frumentum electorum, & vinum germinans virginis; ibi mustum malorum granatotum, doloris amoris prælo, de ipso tuo divinissimo corde expressum. O si illuc mihi intrare liceat deniq; si tecum coenare, & gustare quoniam suavis est Dominus! O si illuc tecum ineptiari, si soporari, si mori, si sepeliri!

Sed audire dulce est hoc loco S. Bonaventuram, hanc ab similibus animi sensibus sanctè indulgentem, & parum quadam amoris licentiâ dilecto suo alludentem. *Ornabo membris nibilis (inquit) & ipsum introducam in thalamum cordum; & ibi secum de cætero requiescam.* Bene scio, quod nibil aliud p. 2. simil. c. petit: *& querit ipse animam meam visitare, & intrare desiderat, & diu est quod pulsavit. Doleo tamen, quod tantum tamdiu caruit tanto bono. Dican ergo ei, scio: quod plus quam ego me diligis. De me igitur amplius non curabo, sed solius tuis delicijs inberebo; & tu mei curam habeto. Non possum ostendere mibi, & tibi. Et ideo permutatim tu intende mibi & mea infirmitati, ut ipsam subleves: & ego intendam tua beatitudinem, ut in ea delecter. Et quamvis ego tecum lucrerim, & tu mecum nibil: scio tamen quod libenter mecum es, & conservas & promoves; quamvis ego tecum, ut tua perfunditur. Unde hoc est nisi quia ego me odi, & tu me diligis.*

Ita sanctæ animæ, amicâ quâdam collusione nomine sum ad se, nunc se ad JESUM invitant: & sive cum ipsis in eorum corde coenit dilectus, sive ipsæ cum dilecto in corde dilecti, utrimque contingit eas refici de delicijs divini cordis; cum nisi de bonis ipsius dilecti nequeant etiam in corde suo dignum dilecto convivium instruere atque apparet.

CAPUT